

videret? Nec enim placuit summo illi optimoque Architecto, Creaturas suas ab omni impuritate ac superfluentia defæcatas ocioso homini obijcere, sed aliquid ingenio eius ac industriæ relinquere voluit, in quo, vt & aliis rebus compluribus Creatorem suum & agnosceret & imitaretur, vtique post calamitosam protoplastarum ruinam, vbi

Nucleum esse qui vult, nucem frangat oportet,
ipsaque putamina, membranas, inuolucra excrementaque abiiciat. Intellexerunt hoc mature, primisque adeo seculis, viri præstantissimi, quos singularis diuinæ gratiæ aura afflauit, quorum exempla ab vltima vsque Antiquitate ad nostra tempora repetita apud sinceriores operum Dei indagatores in memoria sunt, immo in Veneratione. Nec omnes è vulgo, (vt Coqui & Sepiasarii fabulantur) cum & Reges ac viri Principes & Philosophi ac sapientes omni exceptione maiores, inter eos, in quibus admirandam sapientia cum opibus ac potentia fecit mixturam, & quorum nomina adeo clara, lucubrationes autem tam solidæ, vt nec ætatis cariem situmque, nec scombros aut blattas metuere habeant. Hos auctores (qui autem sint nouerunt Initiati)